



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 105. Soluta Cleri conventu Rex inde discedens.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

§. CV.

Sæcul. XVI.
A.C. 1586.*Soluto Cleri conventu Rex inde
discedens.*

Die septima Maji summus Pontifex
 misso diplomate Episcopis hunc in
 modum respondit: „vobismetipsis im-
 „putate, si gravius onus vobis est im-
 „positum; nunquam enim sacra Sedes
 „consentiet, ut plus solvere adstringa-
 „mini, quam solvendo pares estis, dum-
 „modo vos ipsimet plura non offeratis,
 „nec nos, nec nostri Successores ad o-
 „nus haud tolerandum assentiemus.,,
 Postea Præsules, cum conventum sol-
 vere pararent, die tertia Junii Regem
 valere jubent, Petro Villario Vien-
 nensi Archiepiscopo verba faciente: ce-
 terum ejus oratio, quæ admodum pro-
 lixa erat, præcipue hos articulos com-
 plectebatur: innovabat præprimis eas-
 dem querelas jam in prioribus collo-
 quiis delatas, dein vero Regi suppli-
 cabat, ut Tridentini Concilii promul-
 gationem urgeret, electionum jura re-
 stauraret, Clerumque ab onere, quo præ-
 torios redditus solvere tenebatur, libe-
 raret. Attamen insuperhabita hac pe-
 titione pactum hoc ad aliud decennium
 firmabatur: denique Lingonensis De-
 canus in pleno Præsulum consensu sta-
 tutum contra fiduciarios prælegebat,
 quo

Sæcul. XVI. quo fuit decretum, ut Episcopi transmissis literis ad servandam Tridentini Concilii disciplinam, atque ad conferendas Cathedralium, & Collegatarum Ecclesiarum dignitates monerentur: tandem sanciebatur, ut rerum Procuratores Doctoratus gradu insignes, vel in jure Canonico, aut in Theologia Licentiati essent. His peractis Comitia solvebantur.

§. CVI.

Explicatio doctrinæ per Facultatem Lovaniensem Pontificis Nuntio porrecta.

Att. Decanat Wallii Bajana t. 2. pag. 161. Interea Lovanii Lensius Doctor ad Nuntii mandatum doctrinæ explanationem elucubrabat, eamque, prout jussus erat, cujuslibet Facultatis Doctoribus tradebat, ut suam quisque sententiam hac super re ediceret: postquam vero quædam addita, ac alia emendata fuerant, Wallius Decanus illam elaborare, ac Nuntio porrigere studuit: erat autem huic lucubrationi sequens titulus: *Brevis, atque suo ordine, quantum fieri potuit, distincta doctrinæ explicatio, quam quorundam articulorum condemnatio exigere videtur, composita a Veneranda Facultate Theologica Lovaniensi, juxta mentem, & mandatum illustrissimi Joannis Bonhommii Vercellensis Episcopi, atque in*
sup-